



Broj: SuPK-00-1664/23-I  
Brčko, 20.10.2023. godine

**Z A P I S N I K**  
**sa 251. sjednice Pravosudne komisije Brčko distrikta BiH**  
**održane 20.10.2023. godine, u 08,30 sati sa slijedećim**

*Dnevni redom*

1. Usvajanje zapisnika sa 250. redovne sjednice Pravosudne komisije Brčko distrikta BiH
2. Razmatranje Prijedloga Zakona o platama i naknadama zaposlenih u pravosuđu Brčko distrikta BiH dostavljenog od strane Osnovnog suda Brčko distrikta BiH  
**(izvjestilac: Dejan Nišić)**
3. Prijedlog zakona o izmjenama i dopunama Krivičnog zakona Brčko distrikta BiH (drugo čitanje)  
**(izvjestilac: Srđan Nedić)**
4. Prijedlog Zakona o izmjenama i dopuni Zakona o stečaju (drugo čitanje)  
**(izvjestilac: Dobrinka Milivojević)**
5. Razmatranje inicijative Tužilaštva Brčko distrikta BiH za izmjenu sistematizacije radnih mjesta u Tužilaštvu Brčko distrikta BiH  
**(izvjestilac: Dejan Nišić)**
6. Donošenje odluke o imenovanju pravobranioca Pravobranilaštva Brčko distrikta BiH  
**(izvjestilac: Dejan Nišić)**
7. Donošenje odluke o plati za pravobranioca Pravobranilaštva Brčko distrikta BiH  
**(izvjestilac: Dejan Nišić)**
8. Donošenje odluke o prestanak mandata pravobraniocu Pravobranilaštva Brčko distrikta BiH  
**(izvjestilac: Dejan Nišić)**
9. Razmatranje mišljenja Pravosudne komisije o svrsishodnosti uspostave Fonda za obeštećenje žrtava krivičnog djela trgovina ljudima  
**(izvjestilac: Dejan Nišić)**
10. Usvajanje izvještaja o održanoj edukaciji „Sukob interesa“ i donošenje odluke o isplati edukatoru  
**(izvjestilac: Dejan Nišić)**
11. Donošenje odluke o organizacija seminara za službenike i namještenike „Zabrana diskriminacije“  
**(izvjestilac: Dejan Nišić)**
12. Delegiranje tema za obuke sudija i tužilaca – Program edukacije CEST-ova  
**(izvjestilac: Dejan Nišić)**
13. Donošenje odluke o imenovanju Komisija za zapošljavanje po javnom konkursu za popunjavanje upražnjenih radnih mjesta u pravosuđu Brčko distrikta BiH, broj: SuPK-01-1445/23-I od 15.09.2023. godine  
**(izvjestilac: Dejan Nišić)**

14. Donošenje odluke o raspisivanje javnog konkursa za popunjavanje upražnjenih radnih mjesta u pravosuđu Brčko distrikta BiH  
**(izvjestilac: Dejan Nišić)**
15. Rang lista s preporukom za izbor advokata u Kancelariji za pravnu pomoć Brčko distrikta BiH  
**(izvjestilac: Safet Pizović)**
16. Rang lista s preporukom za izbor referenta-operatera-asistenta u Osnovnom sudu Brčko distrikta BiH  
**(izvjestilac: Dejan Nišić)**
17. Rang lista s preporukom za izbor kurira u Osnovnom sudu Brčko distrikta BiH  
**(izvjestilac: Dejan Nišić)**
18. Usvajanje zaključnog izvještaja o obavljenom radu za opšte dobro na slobodi za S. K.  
**(izvjestilac: Dejan Nišić)**
19. Molba za pomilovanje O. S.  
**(izvjestilac: Dejan Nišić)**
20. R a z n o

PRISUTNI SU:

1. SAFET PIZOVIĆ, predsjednik Komisije,
2. DAMJAN KAURINOVIĆ, predsjednik Apelacionog suda BD BiH,
3. DRAGAN TOMAŠ, predsjednik Osnovnog suda BD BiH,
4. ZEKERIJA MUJKANOVIĆ, glavni tužilac u Tužilaštvu BD BiH,
5. MIRSAD ĆEMAN, potpredsjednik Ustavnog suda BiH, putem telefonske veze,
6. VELIBOR JAKIĆ, član Komisije iz reda građana,
7. MEHMED BEČIĆ, član Komisije iz reda građana, putem telefonske veze,
8. MILIVOJE VASIĆ, član Komisije iz reda građana,

Sjednica počela u 08,41 sati.

Konstatuje se da sjednici prisustvuje osam članova Komisije, da je opravdano odsutna Ilinka Gavrić, pravobranilac u Pravobranilaštvu Brčko distrikta BiH, te da sjednici prisustvuje pomoćnik sekretara-portparol Komisije Dejan Nišić.

Predsjednik Komisije otvara 251. redovnu sjednicu Pravosudne s predloženim dnevnim redom, s tim što predlaže da se isti dopuni sa pet novih tačaka i to na način da se iza tačke 19. dodaju nove tačke koje se odnose na donošenje odluka o imenovanju: stručnog saradnika u Apelacionom sudu Brčko distrikta BiH, stručnih saradnika u Osnovnom sudu Brčko distrikta BiH i referetna-operater-asistenta u Osnovnom sudu Brčko distrikta BiH.

Slijedom navedenih dopuna tačka Razno postaje tačka 25.

Konstatuje se da je dopunjeni dnevni red usvojen jednoglasno, bez primjedbi.

Prelazi se na prvu tačku dnevnog reda.

**1. Usvajanje zapisnika sa 250. redovne sjednice Pravosudne komisije Brčko distrikta BiH**

Nakon razmatranja zapisnika, konstatuje se da je zapisnik sa 250. redovne sjednice Pravosudne komisije usvojen jednoglasno, uz sugestiju člana Komisije Mirsada Ćemana, potpredsjednika Ustavnog suda BiH.

**2. Razmatranje Prijedloga Zakona o platama i naknadama zaposlenih u pravosuđu Brčko distrikta BiH dostavljenog od strane Osnovnog suda Brčko distrikta BiH**

Nakon obrazloženja i provedene diskusije, Komisija je jednoglasno donijela sljedeću

Odluku

I Formira se Radna grupa za analizu Zakona o platama i naknadama u pravosuđu Brčko distrikta BiH s ciljem unaprijeđenja položaja službenika i namještenika u sastavu od:

1. Safet Pizović, predsjednik Pravosudne komisije Brčko distrikta BiH, predsjednik,
2. Ilinka Gavrić, pravobranilac Pravobranilaštva Brčko distrikta BiH, član,
3. Selim Karamehić, sudija Osnovnog suda Brčko distrikta BiH, član,
4. Samir Beganović, sekretar Tužilaštva Brčko distrikta BiH, član,
5. Rade Mitrović, stručni saradnik za poslove upravljanja privremeno oduzetom imovinom u Pravosudnoj komisiji Brčko distrikta BiH, član,
6. Amela Pezerović, šef administracije u Apelacionom sudu Brčko distrikta BiH, član.

II Radna grupa je dužna svoj rad da organizuje u toku radnog vremena.

III Smjernice za izradu: Izvršiti temeljnu analizu Odluka Ustavnog suda Bosne i Hercegovine, broj: U 22/22 od 23.03.2023. godine, U-7/12 od 31.01.2012. godine, U-29/13 od 28.03.2014. godine i njihove implikacije na pravni sistem i relevantnu zakonsku regulativu koja se odnosi na pravosuđe Brčko distrikta BiH. Zadatak Radne grupe je i da utvrdi implikacije predhodno navedenih odluka Ustavnog suda BiH i materijalni položaj službenika i namještenika u pravosuđu Distrikta, naročito u pogledu ostvarivanja principa nezavisnosti pravosuđa kroz materijalni položaj službenika pravosuđa koji nisu nosioci pravosudnih funkcija, te da nakon te analize Pravosudnoj komisiji dostavi prijedlog modaliteta unaprijeđenja materijalnog položaja zaposlenika pravosuđa, naročito onih koji su od ključnog značaja za funkcionisanje sudstva, ako i onih sa najnižim platnim razredima. Zadatak Radne grupe je da izvrši analizu broja zaposlenih u pravosuđu Brčko distrikta BiH u 2010. godini i 2020. godini u odnosu na broj zaposlenih u istom periodu u zakonodavnoj i izvršnoj vlasti Brčko distrikta BiH.

IV Rok za izradu: Radna grupa je dužna zadatak iz tačke III ove odluke završiti do 15.12.2023. godine.

### **3. Prijedlog zakona o izmjenama i dopunama Krivičnog zakona Brčko distrikta BiH (drugo čitanje)**

Konstatuje se da je sjednici u 09,09 sati pristupio Srđan Nedić, sudija Apelacionog suda Brčko distrika BiH, kao izvjestilac po navedenoj tački.

Nakon obrazloženja, Komisija je jednoglasno usvojila prijedlog Zakona o izmjenama i dopunama Krivičnog zakona Brčko distrikta BiH, u drugom čitanju.

Nakon pribavljenih mišljenja odgovarajućih institucija, navedeni Zakon poslati u Skupštinsku proceduru.

Konstatuje se da je sjednici u 09,12 sati napustio Srđan Nedić, sudija Apelacionog suda Brčko distrika BiH.

### **4. Prijedlog Zakona o izmjenama i dopuni Zakona o stečaju (drugo čitanje)**

Konstatuje se da je sjednici u 09,12 sati pristupila Dobrinka Milivojević, sudija Osnovnog suda Brčko distrika BiH, kao izvjestilac po navedenoj tački.

Nakon obrazloženja, Komisija je jednoglasno usvojila prijedlog Zakona o izmjenama i dopuni Zakona o stečaju, u drugom čitanju.

Nakon pribavljenih mišljenja odgovarajućih institucija, navedeni Zakon poslati u Skupštinsku proceduru.

Konstatuje se da je sjednici u 09,14 sati napustila Dobrinka Milivojević, sudija Osnovnog suda Brčko distrika BiH.

### **5. Razmatranje inicijative Tužilaštva Brčko distrikta BiH za izmjenu sistematizacije radnih mjesta u Tužilaštvu Brčko distrikta BiH**

Nakon obrazloženja i provedene diskusije, Komisija jednoglasno daje saglasnost na pravilnik o dopuni Pravilnika o unutrašnjoj organizaciji i poslovanju Tužilaštva Brčko distrikta BiH, broj: A-522/2023 od 11.09.2023. godine.

## **6. Donošenje odluke o imenovanju pravobranioca Pravobranilaštva Brčko distrikta BiH**

Nakon obrazloženja, Komisija je jednoglasno donijela sljedeću

Odluku  
o izboru i imenovanju pravobranioca Brčko distrikta BiH

Za pravobranioca Brčko distrikta BiH, izabran je i imenovan Dejan Đurović, sin Neđe, iz Brčkog, na period od 4 (četiri) godine.

Imenovani pravobranilac stupa na dužnost odmah nakon davanja i potpisivanja zakletve, dana 01.11.2023. godine.

Ova odluka biće objavljena u „Službenom glasniku Brčko distrikta BiH“.

## **7. Donošenje odluke o plati za pravobranioca Pravobranilaštva Brčko distrikta BiH**

Nakon obrazloženja, Komisija je jednoglasno donijela sljedeću

Odluku

Za Dejana Đurovića, pravobranioca Pravobranilaštva Brčko distrikta BiH, utvrđuje se osnovna mjesečna plata u iznosu od 4.039,00 KM (četirihiljadetrdesetdevetkonvertibilnih maraka).

Osnovna mjesečna plata povećava se za 0,3 % za svaku punu godinu radnog staža, najviše do 40 godina.

Primjena odluke počinje od 01.11.2023. godine.

## **8. Donošenje odluke o prestanak mandata pravobraniocu Pravobranilaštva Brčko distrikta BiH**

Nakon obrazloženja, Komisija je jednoglasno donijela sljedeće

Rješenje

Ilinka Gavrić, prestaje da obavlja dužnost pravobranioca Pravobranilaštva Brčko distrikta BiH, zaključno sa danom 31.10.2023. godine, radi imenovanja novog pravobranioca.

## **9. Razmatranje mišljenja Pravosudne komisije o svrsishodnosti uspostave Fonda za obeštećenje žrtava krivičnog djela trgovina ljudima**

Nakon obrazloženja, Komisija je jednoglasno donijela zaključak kojim je potrebno uputiti odgovor Ministarstvu pravde BiH, da je stav Pravosudne komisije Brčko distrikta BiH, da u skladu sa Strategijom za suprostitavljanje trgovini ljudima u Bosni i Hercegovini (2020-2023), treba nastaviti sa aktivnostima za formiranje Fonda za krivična djela trgovine ljudima samo u nadležnosti Suda BiH.

## **10. Usvajanje izvještaja o održanoj edukaciji „Sukob interesa“ i donošenje odluke o isplati edukatoru**

Nakon obrazloženja, Komisija je jednoglasno donijela sljedeću

### **Odluku**

Nalaže se finansijskoj službi Pravosudne komisije Brčko distrikta BiH da na ime naknade za izvršenu edukaciju na temu „Sukob interesa“ održanom dana 29.09.2023. godine u Brčkom, edukatoru Željki Marković Sekulić, isplati iznos od 566,67 KM (petstotinašezdesetšestkonvertibilnihmaraka i 67/100 KM), i na ime troškova prevoza iznos od 174, 72 KM (stotinusedamdesetčetirikonvertibilnemarka i 72/100KM), što ukupno iznosi 741,39 KM (sedamstotinačetredesetjednakonvertibilnamarka i 39/100 KM).

## **11. Donošenje odluke o organizacija seminara za službenike i namještenike „Zabrana diskriminacije“**

Nakon obrazloženja, Komisija je jednoglasno donijela sljedeću

### **Odluku**

Pravosudna komisija Brčko distrikta BiH organizuje seminar na temu: „Nepriistrasnost, zabrana diskriminacije“, za službenike i namještenike u pravosuđu Brčko distrikta BiH, koji će se održati 07.11.2023. godine, u sali za edukaciju Pravosudne komisije Brčko distrikta BiH.

Za edukatora na seminaru imenuje se Adnan Kadribašić, dugogodišnji edukator, predložen od strane Agencije za državnu službu BiH.

Eduikator ima obavezu da učestvuje u pripremi, kreiranju i sastavljanju dnevnog reda seminara najkasnije 15 dana prije održavanja seminara, da organizuje praktični dio obuke, da pripremi i dostavi određenu temu u formi elektronskog materijala pripremljenog za korištenje u procesu edukacije najkasnije 15 dana prije održavanja seminara, da podnese izvještaj o evaluaciji seminara sa zaključcima seminara u roku od 8 dana od dana završetka seminara i da podnese

obračun troškova edukacije uz prilaganje originalnih dokaza i dokumenta u roku od 8 dana od dana završetka seminara.

Pravosudna komisija će obezbijediti tehničku podršku i uslove održavanja seminara, kao i učešće službenika Pravosudne komisije koji će pomoći edukatoru u vršenju njegove dužnosti i sačinjavanju izvještaja koji će obavljati ostale poslove koji su od značaja za uspješnu realizaciju seminara.

Pravosudna komisija Brčko distrikta BiH će snositi troškove organizacije seminara, troškove naknade imenovanom edukatoru i troškove prevoza, o čemu će se donijeti posebna odluka.

## **12. Delegiranje tema za obuke sudija i tužilaca – Program edukacije CEST-ova**

Nakon obrazloženja i provedene diskusije, Komisija je jednoglasno donijela sljedeći zaključak da se obavjesti Centar za edukaciju sudija i tužilaca F BiH i Centar za edukaciju sudija i tužilaca Republike Srpske, da će se u aprilu mjesecu 2024. godine u organizaciji Pravosudne komisije Brčko distrikta BiH održati seminar iz građansko-pravne oblasti na temu „Primjena Evropske konvencije o zaštiti ljudskih prava i osnovnih sloboda u radu Apelacionog suda Brčko distrikta BiH“, kao edukator predložen je Robert Jović, sudija Apelacionog suda Brčko distrikta BiH.

Takođe, u toku 2024. godine, u organizaciji Pravosudne komisije Brčko distrikta BiH sa entitetskim centrima za edukaciju sudija i tužilaca održati specijalistička obuka sudija i tužilaca prema Zakonu o zaštiti i postupanju sa djecom i maloljetnicima u krivičnom postupku Brčko distrikta BiH.

## **13. Donošenje odluke o imenovanju Komisija za zapošljavanje po javnom konkursu za popunjavanje upražnjenih radnih mjesta u pravosuđu Brčko distrikta BiH, broj: SuPK-01-1445/23-I od 15.09.2023. godine**

Nakon obrazloženja i provedene diskusije, Komisija je jednoglasno donijela sljedeću

### **Odluku**

o imenovanju komisija za zapošljavanje po javnom konkursu broj: SuPK-01-1445/23-I od 15.09.2023. godine

I Imenuje se Komisija za zapošljavanje predsjednika Vijeća za izlaganje podataka o nekretninama i utvrđivanju prava na zemljištu u Odjeljenju za javni registar Vlade Brčko distrikta BiH, (na određeno vrijeme), u sastavu tri člana:

1. Mirela Azapović, predsjednik,
2. Zoran Rakanović, član i
3. Smajila Kikić, član.

II Imenuje se Komisija za zapošljavanje šefa administracije u Tužilaštvu Brčko distrikta BiH, (na neodređeno vrijeme), u sastavu tri člana:

1. Zekerija Mujkanović, predsjednik,
2. Vladimir Tepavčević, član i
3. Pavo Radoš, član.

III Imenuje se Komisija za zapošljavanje operater-referenta zemljišno-knjižnih poslova u Osnovnom sudu Brčko distrikta BiH, (na neodređeno vrijeme), u sastavu tri člana:

1. Zoran Rakanović, predsjednik,
2. Emina Halilović, član i
3. Stanislava Kikić, član.

IV Imenuje se Komisija za zapošljavanje operater-upisničara na poslovima izvršenja prekršajnih sankcija u Osnovnom sudu Brčko distrikta BiH, (na neodređeno vrijeme), u sastavu tri člana:

1. Nebojša Savić, predsjednik,
2. Smajila Kikić, član i
3. Stanislava Kikić, član.

#### **14. Donošenje odluke o raspisivanju javnog konkursa za popunjavanje upražnjenih radnih mjesta u pravosuđu Brčko distrikta BiH**

Nakon obrazloženja i provedene diskusije, Komisija je jednoglasno donijela sljedeću

odluku o raspisivanju

Javnog konkursa za popunjavanje upražnjenih radnih mjesta u pravosuđu Brčko distrikta BiH

1. Sekretar Pravosudne komisije Brčko distrikta BiH (na određeno vrijeme-mandat od četiri godine) ..... 1 (jedan) izvršilac,
2. Sudski policajac u Sudskoj policiji Brčko distrikta BiH (na neodređeno vrijeme) ..... 1 (jedan) izvršilac.

Prijave na konkurs podnose se od 26.10.2023. godine do 09.11.2023. godine.



**15. Rang lista s preporukom za izbor advokata u Kancelariji za pravnu pomoć Brčko distrikta BiH**

Konstatuje se da je Pravosudna komisija jednoglasno potvrdila Rang listu sa preporukom za izbor advokata u Kancelariji za pravnu pomoć Brčko distrikta BiH, na neodređeno vrijeme, u kojoj je prvoplasirana Merima Pejić.

**16. Rang lista s preporukom za izbor referenta-operatera-asistenta u Osnovnom sudu Brčko distrikta BiH**

Konstatuje se da je Pravosudna komisija jednoglasno potvrdila Rang listu sa preporukom za izbor referenta-operater-asistenta u Osnovnom sudu Brčko distrikta BiH, na neodređeno vrijeme, u kojoj je najuspješniji kandidat, Milana Purić.

**17. Rang lista s preporukom za izbor kurira u Osnovnom sudu Brčko distrikta BiH**

Konstatuje se da je Pravosudna komisija razmatrajući rang listu s preporukom za izbor kurira u Osnovnom sudu Brčko distrikta BiH, jednoglasno, vodeći računa o sastavu stanovništva, donijela potvrdu o izboru kandidata Elvira Kukuljevića.

**18. Usvajanje zaključnog izvještaja o obavljenom radu za opšte dobro na slobodi za S. K.**

Konstatuje se da je Komisija jednoglasno usvojila zaključni izvještaj o obavljenom radu za opšte dobro na slobodi za osuđenog S. K.

**19. Molba za pomilovanje O. S.**

Nakon obrazloženja, Komisija jednoglasno donosi zaključak da se gradonačelnik Brčko distrikta BiH obavjesti da je molba za pomilovanje O. S. preuranjena.

## **20. Odluka o imenovanju na radno mjesto stručni saradnik u Apelacionom sudu Brčko distrikta BiH**

Nakon obrazloženja i provedene diskusije, Komisija je jednoglasno donijela sljedeću

Odluku

Na radno mjesto „stručni saradnik“ u Apelacionom sudu Brčko distrikta BiH, imenuje se Mirela Adžajlić Hodžić, kći Orhana, magistar prava, iz Brčkog.

Imenovana je dužna stupiti na rad dana 01.12.2023. godine, a stupanjem na rad zasniva radni odnos na neodređeno vrijeme u Apelacionom sudu Brčko distrikta BiH.

Imenovana se svrstava u VIII (osmi) platni razred, 4 (četvrti) podrazred, koeficijent 3,115949.

## **21. Odluka o imenovanju na radno mjesto stručni saradnik u Osnovnom sudu Brčko distrikta BiH**

Nakon obrazloženja i provedene diskusije, Komisija je jednoglasno donijela sljedeću

Odluku

Na radno mjesto „stručni saradnik“ u Osnovnom sudu Brčko distrikta BiH, imenuje se Medina Zahirović, kći Envera, magistar prava, iz Brčkog.

Imenovana je dužna stupiti na rad dana 01.11.2023. godine, a stupanjem na rad zasniva radni odnos na neodređeno vrijeme u Osnovnom sudu Brčko distrikta BiH.

Imenovana se svrstava u VIII (osmi) platni razred, 4 (četvrti) podrazred, koeficijent 3,115949.

## **22. Odluka o imenovanju na radno mjesto stručni saradnik u Osnovnom sudu Brčko distrikta BiH**

Nakon obrazloženja i provedene diskusije, Komisija je jednoglasno donijela sljedeću

### **Odluku**

Na radno mjesto „stručni saradnik“ u Osnovnom sudu Brčko distrikta BiH, imenuje se Miodrag Tripunovski, sin Zdravka, diplomirani pravnik, iz Brčkog.

Imenovana je dužna stupiti na rad dana 01.11.2023. godine, a stupanjem na rad zasniva radni odnos na neodređeno vrijeme u Osnovnom sudu Brčko distrikta BiH.

Imenovani se svrstava u VIII (osmi) platni razred, 4 (četvrti) podrazred, koeficijent 3,115949.

## **23. Odluka o imenovanju na radno mjesto stručni saradnik u Osnovnom sudu Brčko distrikta BiH**

Nakon obrazloženja i provedene diskusije, Komisija je jednoglasno donijela sljedeću

### **Odluku**

Na radno mjesto „stručni saradnik“ u Osnovnom sudu Brčko distrikta BiH, imenuje se Sabrina Čabrić, kći Rasima, diplomirani pravnik, iz Brčkog.

Imenovana je dužna stupiti na rad dana 01.11.2023. godine, a stupanjem na rad zasniva radni odnos na određeno vrijeme u Osnovnom sudu Brčko distrikta BiH.

Imenovana se svrstava u VIII (osmi) platni razred, 4 (četvrti) podrazred, koeficijent 3,115949.

**24. Odluka o imenovanju na radno mjesto referent-operator-asistent u Osnovnom sudu Brčko distrikta BiH**

Nakon obrazloženja i provedene diskusije, Komisija je jednoglasno donijela sljedeću

**Odluku**

Na radno mjesto „referent-operator-asistent“ u Osnovnom sudu Brčko distrikta BiH, imenuje se Danijela Gajić, kći Zlatana, iz Brčkog.

Imenovana je dužna stupiti na rad dana 01.11.2023. godine, a stupanjem na rad zasniva radni odnos na neodređeno vrijeme u Osnovnom sudu Brčko distrikta BiH.

Imenovana se svrstava u V (peti) platni razred, 5 (peti) podrazred, koeficijent 1,543321.

**25. R a z n o**

Kako se niko nije javio za riječ, konstatuje se da je 251. redovna sjednica završena u 10,08 sati.

**Zapisnik vodila  
Nataša Kovač**

**Predsjednik  
Pravosudne komisije**

**Safet Pizović**